



## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

Vigesima-Tertia. De cruce Iesu, quam pro nobis ipse portauit.

[urn:nbn:de:hbz:466:1-45790](#)

omni loco passionis tecum vadat, atque omnia, que pateris, do-  
lenter attendat. Tecum etiam pati & cōmori tibi ardenter con-  
cupiscat, pensans quid David de filio suo Absalon dicebat. *Quis 2. Reg. 18.*  
(inquit) mihi det, ut ego moriar pro te fili mi Absalon, Absalō fili mis  
Prævaluit in David pius affectus super interitu filij lui se perse-  
quentis: ita ut eius mortem vehementer lugeret, & pro illo mo-  
ri optaret, qui suam conabatur vitam auferre: quanto magis in me  
præualere debet dolor eximiae compassionis, super innocentem  
mortem tua, pro me in cruce consummata? Plus me mouere deber,  
quod pro me crucifixus es & mortuus, quam si totus mundus  
mihi datus fuisset, & pro me expensus.

16. Moriatur ergo anima mea morte beata, & fiant nouissima  
mea Domino meo similia. Da Domine felicem mortis horā, &  
beatam tecum inuenire requiem. Felicitas mihi erit tecum iam  
mori, quam vna hora sine te diutius viuere. Quod si negatum  
fuerit, faciam quod deuotus affectus facere consuevit. Secretum  
petam, & ob hoc præcipue, ut liberiū plangam. Mortis tuæ Do-  
mine recordabor, & omnium vulnerum tuorum cicatrices, inti-  
mis cordis osculis, crebriū osculabor. Nemo me hodie alloqua-  
tur, nemo mihi de aliquo solatio molestus sit, nec aliquam leui-  
tatem innuat: quia non accipiam ab aliqua creatura consolatio-  
nem, ne impediatur lugere Domini mei amarissimam passionem.  
Recedite, recedite domestici & externi, dimittite me solū & de-  
solatum sedere, ut plangam paululum dilectum meum pro me  
crucifixum. Præ dolore deficiant lachrymæ in capite meo, & nō  
sit, qui abstergat, nec qui me consoletur, nisi ille quem plango.  
Lachrymate mecum sol & luna, & lugete mecum omnes crea-  
turæ, quoniam occisus est Dominus noster hodie. Et dignū est,  
ut omnia sint in mœtore, ubi author patitur naturę; & omnes in-  
duant tristitiam, ubi filius Dei tantam sustinet miseriam. Non li-  
bet amplius loqui, sed tantum flere mihi libet, quia Deus meus  
clamans voce magna expirat. Exite, exite lachrymæ uberrimæ,  
& usque ad fundum excurrite. Cedit super dilecti Domini mei  
corpus occisum, & promeremini mihi interiorē cordis visum:  
ut illum merear aliquando videre gaudiosum, quem nunc plan-  
go affectuosis luctibus crucifixum. Sit mihi sepulchrum illius, lo-  
cus pacis & requietionis: ut gloria eius resurrectio, finis dolos-  
ris omnis fiat atque mœtoris. Amen.

## V I G E S I M A - T E R T I A.

*De cruce Iesu, quam pro nobis ipse portauit.*

**S**Vscepérunt autē Iesū, & eduxerunt: & baiulās sibi crucem, exiuit in *Ioh. 19.*  
eum, qui dicitur Calvarie, locū. Liber dolorosum hūc Domini

Q 4

trans-

248 DE CHRISTI PASSIONE.  
transitum considerare, & pio mentis oculo, tam flebile hoc spetaculum intueri. Ecce innocens Iesus, graui sarcina crucis oppressus, inter duos latrones educitur, & heu ad publicum suspedium cum clamore trahitur. A mplexitur ipse contemptibilem, charitatis suae brachij: supponit ei dorsum flagellis catus, & humerum sanctum, omnes quoque corporis sui debiles artus. Effert onus immeritum, iugum tollit insuetum: dicit illud ad locum sibi deputatum, vt gignat salutis nostræ fructum, contra æternæ mortis venenum.

2. Grande ludibrium impijs, sed sacrum mysterium fidelibus cunctis. Malis est testimonium perditionis, quia innocentem crucifigunt: bonis salvationis est signum, quia compatiuntur eis, & plangunt. Illorum risus vertetur in fletum, horum gemitus erit in gaudium. Incedit igitur mansuetus Dominus, per viam confusionis valde mansuetè. Vadit ultroneus extra portam Hierusalem, super quam fleuit in die palmarum. Fert patiēter suę suspensionis derisum, à propria gente sibi illatum. Non reclamat de iniurijs sibi factis, nec recalcitat violenter retro stimulatus. Non conuocat Angelos in auxilium, nec amicorum requirit succursum: sed pergit indilate, & obedit malevolis promptè. Solus gestat onus grauissimum, solus confusionis patitur opprobriū: sed non vult solus honoris gaudium, quia cunctis in se creditibus desiderat donare passionis suæ meritum. Non retrahitur ab itinere crucis affectu matris, nec charorum impeditur fletibus. Nō inquietatur occurrentium tumultibus, nec malignantium mouetur stridoribus. Non fatigazione corporis ab incepto opere retardatur, nec scandalorum obruitur procellis. Vnus idemque constantissimè perdurat, liber & quieto corde ad supplicij tenditagonem: sicut mundi gloriam paruipendens, ita & ignominiam æqualiter ferens. Semper in æterni Patris laude persistens, nullū à sua charitate excludens: sed ardentí desiderio cupiens præceptum Patris, ab æterno dispositum adimplere: & opus humanæ restorationis sibi iniunctum, per passionem & crucem consummare.

3. Iam in hoc præclaro exemplo demonstrat, quod prius salubriter docuit verbo. Qui vult (inquit) venire post me, abneget semetipsum, & tollat crucē suam, & sequatur me. Ecce habes præcessorem asperioris viæ, Iesum filium Dei, ducem ac præceptorem Gentibus, ut liberet eas. Sequere ergo serue fidelis Domini: sequere discipule magistrum: imitare caput egregium fragile membrum, ut eo duce peruenias ad æternæ felicitatis regnum. Si prospera appetis & iucunda, ne formides aduersa. Sequere peccator iustum, homo Deum, creatura creatorem, exul redemptorem.



rem. Ab iace timore in terrenum, indu fortitudinem; certa ut bonus miles vincendo naturam. Per crucem itur ad salutem, per pœnam peruenitur ad coronam. Noli erubescere Christi ignominiam, si vis Christi contemplari faciem gloriosam. Pro te portat hanc crucem, pro te subit & crucis mortem. Dat tibi exemplum sustinendi, complanat pedibus suis asperitatis semitam: ostendit crucis ignominiam non fugiendam, sed amplexandam. Baiulat humilis Iesus crucem suam pro impijs, ut sanctificet impios: patitur pro vilibus seruis dolores, ut regni sui faciat cohæredes. Quis non concupiscat iam sustinere conuitia & contemptus hominum, cum innocens Christus pertulerit ab hominibus tam grauia & indigna sine culpa. Leuius namque fert miles, quod regem facere cernit. Ascendit itaque rex nobilis, rex regum, omnium Dominus, contra principem mundi bellaturus, non clypeo protectus, nec ferro munitus, sed cruce armatus & vallatus, cruci affigendus, in cruce denique pro amicis suis moriturus. Veniens igitur ad locum Caluariae cum crucis vexillo, elegit ibi non minis sui erigere titulum, & nostræ salutis operari mysterium: prænoscens locum confusione deditum, mirificis signis illustrandum, atque crucis suæ patibulum, in honorem conuertendum: in brevi quoque tempore per mundum prædicandum, & à regibus & principibus terra adorandum.

4. Est quippe crucis venerabile signum in Christiana militia, decus insigne, & super omnia armorum genera munimen singulare, atque contra diaboli saevitiam & terrorum inexpugnabile scutum. Ibi ergo Iesus vexillifer crucis, omnium cruciferorum princeps & patronus, stetit in medio horrendi fœtoris, qui propter cadavera interfectorum, valde despectus fuit & immundus. Ibi mox suis expoliatur vestibus, & nudam crucem nudus ascendit, & pro crucifigentibus se exorauit. Ibi omnipotens, tanquam nullius potentiae esset, in modū crucis se permisit extendi, clavis affigi, lancea perforari, & à malignis derideri. Ibi omni humano solacio priuatus, perfectè abnegationis formam & extremæ paupertatis exemplum reliquit. Ibi sacræ carnis suæ attractu lignum vitæ sacravit: & preciosi sanguinis sui effusione, aram crucis dedicauit. Ibi omnia veteris Testamenti sacrificia, passionis suæ figurativa consummavit: & semetipsum hostiam Patri, pro salute mundi, in odorem suavitatis obtulit. Ibi vitam suam felici agone, per obedientiam in cruce terminauit; mortem moriendo deuicit, paradisi portam aperuit: & latronem serò pœnitentem, secum ad gaudia promissa perdixit.

5. Quia ergo Iesus crucem suam proprijs humeris portauit, qui absque peccato fuit; porta & tu crucem tuam, quia grauiter

&amp;

## 250 DE CHRISTI PASSIONE.

& sapè peccasti, & æternam pœnā iustè meruisti. Viderit infi-  
mis mentibus, via crucis amara esse & grauis: sed finis eius latus  
est & fructuosus, atque amantibus dulcis & salutaris. Nōne me-  
lius est modò, lugubrem & laboriosam ducere vitam pro Chri-  
sto & compati crucifiro; quam post modicum corruptibilis vi-  
tae gaudium, cum diabolo æternaliter cruciari in inferno? Tanto  
enim eris Deo acceptior, & ampliori gloria dignus in regno ex-  
lesti; quanto pro nomine Iesu, grauiores nūc pertuleris dolores  
& labores: non respiciendo ad temporales cōsolations, sed ad  
Christi passionem ac duras sanctorum vias, qui transierunt per  
tribulationes multas. Trāsit velut umbra citò omnis temporalis  
pœna & iniuria illata, sed permanet in cælo perennis mercedis  
gloria; quæ pro bona patientia in fine tibi reddetur, Christo an-  
nuēte. Stude ergo viam sanctæ crucis tenere, & dolorosam ima-  
ginem crucifixi Iesu in cordे portare, atque in fragili corpore  
pro posse viriliter imitari. Libenter temetipsum resigna, atque  
diuinæ voluntati omnia tua fidenter committe, qui tanta pro tua  
salute fecit & pertulit, quod nunquam poteris ei, pro minimo  
puncto passionis suæ dignas gratias reddere, etiam si omnium  
sanctorum martyrum passiones & labores posses sustinere. Sed  
heu, quod tam tepidè dominicam crucem sequeris: quod non  
intentiùs doloribus Christi compateris: quod non feruētiis illi  
seruis, & indeſinenter gratias agis; qui tam charum te æstimavit,  
& præ cæteris creaturis dilexit, ut mori pro te nou renueret, sed  
sua innocentia morte ab æterna morte liberaret. Fuisse enim æ-  
ternaliter condemnatus, nisi Christus pro te crucifixus fuisse &  
mortuus. Quis enim potuit pro omnibus peccatis hominum sa-  
tisfacere, nisi Iesus Christus, filius Dei, agnus immaculatus?

## V I G E S I M A-Q V A R T A.

*De merito Dominica passionis, & dignitate sanctæ Crucis.*

*Galat. 6<sup>a</sup>*

I. **N**os autem gloriari oportet in Cruce Domini nostri Iesu Christi, in  
quo est salus, vita, & resurrectio nostra. Hæc verba in sancta  
Ecclesia de sancta cruce leguntur & cantantur, in quibus meritum  
dominicæ passionis commendatur; quæ omnibus sacrificijs le-  
galibus, & omnibus laboribus ac virtutibus sanctorum, dignissi-  
mè præfertur. Nā in passione & cruce Christi, vera salus nostra  
& redemptio humani generis plenissimè cōstat; per quam Christus  
nos redemit, & pro peccatis nostris Deo Patri satisfecit, &  
paradisum nobis deuicta morte reseravit. Hoc pater in latrone  
pendente in cruce, cui dictum est: *Hodie mecum eris in paradiſo O*  
*mira*

*Lucus 23.*

